



Claudii Fleurii Abbatis Historia Ecclesiastica

Ab anno Christi 1551. usque ad annum 1553

Fleury, Claude

August. Vind. [u.a.], 1771

VD18 90118561

§. 90. Præcipui errores Serveti.

[urn:nbn:de:hbz:466:1-66577](#)

„vit, hinc mortis reus censetur.,, Ac. Sæcul. XVI.
 cepto horum judicio Genevenses judicii A.C. 1553.
 acta adversus eum perficere festinabant, *Sandius*
 & quamvis tam accusati fautores, quam *Bibl. Anti-*
occulti Calvini hostes pro eo depreca-trin. p. 6.
rentur, pluresque alii ceteroquin neu- *Calv. epist.*
tri parti adhaerentes, ut tota caufsa ad *n. 16. ad*
Senatum ex ducentis Viris compositum *Ottobr.*
 devolveretur, nil intentatum relinque-
 rent, spe freti, quod in hoc Senatu mi-
 tius in reum animadverteretur, quini-
 mo licet quidam ex plebe saepius eum
 e carcere suo liberare, eundemque in
 libertatem afferere niterentur, nihil
 minus Genevensis Magistratus eum die
 vigesima sexta Octobris ad rogi suppli-
 cium damnavit, atque altera etiam die
 vigesima septima ejusdem Mensis hæc
 sententia in eum pronuntiata executioni
 fuit data. Agebat Servetus eo tempore
 quadragesimum quartum ætatis suæ an-
 num, ac referente Calvinio, mortis sen-
 tentiam excipiens nunc attonitus, at-
 que immotus videbatur, nunc suspiria
 ex immo pectore trahebat, ac non raro
 fatuo similis in lamenta effundebatur,
Hispanorum more vociferans; misericordia!

§. XC.

Præcipui errores Serveti.

Hist. Eccles. Tom. XLI. Uu Cete

Sæcul. XVI A.C. 1553.

Sandius

I. c. p. 9.

Vid. lib.

CXXXIII.

§. CXXV.

& PL.

Ceterum Servetus quamplurimis infectus erat erroribus; postquam enim Lutheranorum, Sacramentariorum, & Anabaptistarum deliria hauserat, quodam etiam edidit libros, in quibus Pauli Samosateni, Sabellii, Arii, Photini, aliorumque errores innovabat, ac præprimis affirmabat, quod illi, qui Dei essentiam in tribus Personis realiter distinctis, & in una Natura subsistentibus agnoscunt, Athei sint, nec aliud velint Deum, nisi qui juxta eorum opinionem ex Divinitate conflatus est, seu qui per connotationem, vel per accidens Deus existit, nec unus Deus Magnus, supremus, atque absolutus est. Ceterum admittebat quidem Servetus, quod in Trinitate agnoscatur Personarum distinctio, ea tamen non nisi exterior, Verbumque a principio nil aliud foret, quam ratio idealis, quæ hominem futurum præfigurabat: His addebat, quod in hoc Verbo, seu ratione ideali contineatur Christus Dominus, ejus imago, persona, facies, ac virtus humana, in reliquis autem nullum reale detur discrimen inter Verbum, & Spiritum sanctum, nec unquam etiam in Deo extiterit vera, & realis generatio, ac spiratio, & Christus tantum ex eo sit Filius Dei, quod fuerit in sinu Virginis operante Spiritu sancto conceptus, atque

atque ab ipso Deo ex sua substantia ge-**Sæcul. XVI.**
 nitus. Docebat insuper, quod *Dei Ver-* **A.C. 1553.**
bum de cælo descendens nunc sit caro
Christi Domini, adeo, ut ejus caro sit
caro de cælo, corpusque Christi sit cor-
pus deitatis, caro vero ejus penitus di-
vina, nec non caro Dei cœlestis, de ipsa
Dei substantia progenita. Explodebat
 Servetus Personarum distinctionem, asse-
 rens, quod ea nil sit nisi *imago, ac spe-*
cies personalis, quæ imago esset Christi
Persona in Deo, etiam Angelis commu-
nicata: Spiritum sanctum vero in Apo-
stolorum animas descendisse affirmabat,
prout Verbum descendit in Christi car-
nem. Postquam igitur plures blasphemias
 contra animæ substantiam effu-
 tierat, tandem inferebat, quod *anima*
fit ex Deo, ejusque substantia, & in-
spiratio creata in illam fuerit iusta una
cum Deitate, & iterum nova spiratione
in unam cum Deo lucem substantialiter
coeat per Spiritum sanctum: quapropter
 parvorum Baptismum inutilem, ac
 nonnisi humanum esse inventum, nul-
 lumque peccatum committi posse ante
 vigesimum ætatis annum, & animam
 fieri mortalem per peccatum asse-
 rebat. His erroribus adjecit adhuc
 plures alios, quos in Antitrinitariorum
 Bibliotheca reperire est.

Uu 2

§. XCI.